

Guangjisi Minzcu Bau

ganhhau: CN45-0036 B.2015 Nd.6 Ng.24 liggaueq ietfeih nienz ndwenngux cogouj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3179期

Denzyangz: Baengh "Haj Cungj Vwnzva" Caux Binjbaiz Vwnzva Bouxcuengh

田阳: 依托“五大文化”打造壮民族文化品牌

Gaenh bi daeuj, Denzyangz Yen baengh "vwnzva Baeuqroxdoh, vwnzva fouxsaeciej, vwnzva Vajsi, vwnzva hawfwen, vwnzva gwzming" haj cungj daegsaek vwnzva neix, roengz cien rengz dajcaux binjbaiz vwnzva Bouxcuengh.

Hwnjheiq vatgud vwnzva Baeuqroxdoh, hawj binjbaiz vwnzva Baeuqroxdoh okmingz. It dwg cauxguh cozbini ndei gvendaengz Baeuqroxdoh. Ngeih dwg banh ndei ciet lijyouz vwnzva Baeuqroxdoh. Sam dwg hwnjheiq dajcaux gij lijyouz miz daegsaek Bouxcuengh. Seiq dwg doidoengh gij yozsuz

doxgyau gvendaengz vwnzva Baeuqroxdoh.

Swnjcienz nem hwngfat vwnzva fouxsaeciej Bouxcuengh, dajcaux "mbanjranz vwnzva fouxsaeciej". It dwg lai roengz cienzgaenz bang-coengh. Ngeih dwg guh hozdung doi dinfwngz fouxsaeciej Bouxcuengh haeuj hagdangz, lajmbanj. Sam dwg laeb gihi swnjcienz henhoz dinfwngz fouxsaeciej Bouxcuengh.

Daihlig fatyienz minzcuz cing-saenz, dajcaux binjbaiz vwnzva Vajsi. It dwg cauxguh nem yienjok cozbini vwnzva Vajsi. Ngeih dwg ingihguh bouh densi 《Vajsi Fuhyinz》.

Sam dwg dajsuenq hwnjguh aen lingzyenz Vajsi Fuhyinz.

Daihlig fatyienz vwnzva haw-fwen, raihcienz "sing ndei" Boux-cuengh. Aen yienh neix soucomz cingjeix doenghgi fwen Baeuqroxdoh ndawbiengz ndaej 20 lai cungj, soucomz doenghgi yozgi ndawbiengz Bouxcuengh miz 32 cungj 67 gienh. Doengzseiz laebguh aen doih nyenz ndawbiengz Baeuqroxdoh, aen doih biujyienj canghsae, swnjcienz nem daihlig fatyienz vwnzva Bouxcuengh.

(Bwzswz Siveij Senhconzbu/百色市委宣传部)

SIUSIK DINJ

简讯

● 6 nyied 20 hauh, Cenzcouh Yen youq Dahvanyanghhoz gawjbanh ruzlungz doxdax, 13 aen ruzlungz youq duenh dah soh 1000 mij raez de beij vaiq, yienhciegz gig nauhyied, ciengz-mienh gig ndeiawj, yinx le haujlai vuz ndawsingz nem hekyouz daeuj yawj.

(Vangz Swhcang)

● Daj bineix daeuj, Nazboh Yen Minzcuzgiz cungfaen leihyung h gah dieg guh minzcuz cietgingq hozdung, guh ndei hong senhconz gyaueuz minzcuz cwngcwz dangj raeuz, minzcuz faplwd fazgveih nem gij vahgangj youqgaenj gvendaengz Siz Ginbingz gangj hong minzcuz. Daengz dangqna, gaeng ok vuz 75 vuzbaez, ci 15 gyaqbaez, venj fukvang 15 diuz, diep senhconz byauhyij 350 mbaw, fat senhconz swlhliu 7300 mbaw, senhconz soujcwz 7500 bonj, hai codanzvei 10 baez.

(Liengz Beizcuh)

● 6 nyied 19 hauh daengz 20 hauh, Lungzswng Gak Cuz Swciyen gawjbanh ruzlungz doxdax, 26 aen ruzlungz youq Dahsanghyangh beij vaiq, gyoengqde daj gih raeuz nem Huznanz Swngj gunh 8 aen yienh daeuj. Daxdax yienhciegz gyong yiengdumdum, ndeiawj raixcaix, haujlai vuz daeuj ngonzyawj.

(Veiz Gizyangz Banh Ciyangz)

● Daj guh aen hozdung "Denhdwngj gyaunde • lajmbanj swngghdai" daeuj, Denhdwngj Yen 124 aen cunh cienzbouh doeng roensuijniz roxnaeuz roenbwzyouz, 13 aen yangh (cin) gihbwnj doeng ngeih gaep goengloh, 780 aen mbanj doeng roensuijniz, roen ndaw mbanj miz 50% bu suiijniz gyaq.

(Vangz Lilanz)

● Gaenh bi daeuj, Lingzyinz Yen ciuq dieg dajsuenq, gujli vuzlai dajndaem cungj mak maenhndei heuhguh makmaenjsimvaiz. Seizneix daengx yienh ndaem cungj mak neix 1.8 fanh moux, dawzmak 5000 lai moux. Dangqna, gah yanghcin vuzlai cungj nyaengq mbaet mak bae gai. Seizneix moix goenggaen gai ndaej 35 maenz.

(Siuh Fazlingz)

Ningzmingz: Leihyung "Duenngux" Swnjcienz Vwnzva Bouxcuengh

宁明: 利用“端午”传承壮族文化



6 nyied 19 hauh, Ningzmingz Yen guh aen hozdung aeu "rong-faengx homngiq gangj duennux, coziq Byaraiz yawj Byaraiz" guh cawjdaez. Ndw yienh gak aen cungh siuj yozyau gunh miz 88 boux hagseng maenhndei camgya baez hozdung neix, gyoengqde suok faengxngut, foux saeciej, ciengq "fwencouxhek" Boux-cuengh, dwk "gienz Byaraiz" daengj. Baez hozdung neix hawj hagseng gyalag roxyiuj vwnzva Bouxcuengh bonjmiz, fungsug sib-gvenq Bouxcuengh, cihsiz sinhbau Byaraiz guh feihyiz, hawj gyoengqde lai rox lai maij vwnzva minzcuz maenhndei. Ndw doz dwg geij boux hagseng Bouxcuengh cingq suok faengx angqcoux ciet duennux.

(Cuh Yizgangh/周贻刚 Veiz Fangh/韦芳ing)

Lozcwngz: Goengloh Doeng Mbanj Guh Ndaej Vaiq

罗城: 公路通村进展快

Gaenh bi daeuj, Lozcwngz Mulaujcu Swciyen doenggvaq guh roen lajmbanj daeuj gajndeih gihcu sezsiz lajmbanj. 2014 nienz, daengx yienh gonqlaeng guh baenz goengloh mbanj gaep 40 diuz, 47.68 goengleix, gajjgez 13210

vunz byaij roen hoj vwndiz. Daengz bi'gvaq, daengx yienh gunh miz 1399 aen mbanj doeng goengloh, ciemq gij cungjsoq mbanj 85%. 2014 nienz aen yienh neix lij ceng ndaej hanghmoeg roen doeng mbanj 12 aen, guh roen raez 72.4

goengleix, roengz cienz gensez 4912 fanh maenz, dajsuenq daengz 2015 nienzdaej cienzmienh guh sat. Daengzseiz, daengx yienh 125 aen cunh cungj doeng roensuijniz caez.

(Veiz Yuzdai/韦如代)